

**UNIVERSITI SAINS MALAYSIA**

**Peperiksaan Semester Kedua  
Sidang Akademik 2000/2001**

**FEBRUARI/MAC 2001**

**REG 363 - KAJIAN TAPAK**

**Masa: 3 jam**

---

Sila pastikan bahawa kertas peperiksaan **ini** mengandungi **TIGA** muka surat yang tercetak sebelum anda memulakan peperiksaan **ini**.

Jawab **SEMUA** soalan.

1. a) Bincangkan objektif utama penyelidikan tapak dan kepentingannya dalam sesuatu projek pembinaan.
  
- b) Dalam penyelidikan tapak, peringkat pertama kajian ialah untuk mendapatkan sebanyak **mungkin** latar belakang **tentang** keadaan tapak yang terlibat, seperti data sekunder, **peta** topografi, kajian geologi dan sebagainya. Terangkan bagaimanakah maklumat-maklumat **ini** dapat digunakan untuk memulakan kajian selanjutnya dengan lebih terperinci.
  
- c) **Pada** pendapat **anda** apakah **punca** sebenar terjadinya kegagalan **pada** pembinaan walaupun kajian tapak sudah dijalankan sebelum pembinaan bermula?

**( 20 MARKAH )**

2. a) Sebuah bangunan kilang 5 tingkat akan didirikan di satu kawasan perindustrian bebas **Bayan** Lepas. **Bagi** memastikan jenis substruktur yang paling sesuai untuk bangunan **ini**, cadarigkan kajian-kajian yang **anda** rasa perlu dijalankan supaya bangunan yang akan didirikan kelak terjamin selamat.
- b) Dalam menentukan **paras** air **bumi** semasa membuat kajian tapak ialah dengan menggunakan sejenis **alat** yang dikenali sebagai piezometer. Terangkan dengan bantuan lakaran bagaimanakah **anda** menentukan kedalaman **paras** air **bumi** di kawasan kajian **anda**.
- c) Bincangkan **salah SATU** daripada dua ujian makmal berikut yang dijalankan ke **atas** sampel **tanah** tak terusik.
- Ujian mampatan tiga paksi
  - Ujian pengukuhan tak bersalir

(20MARKAH)

3. a) Kebanyakan ujian makmal keatas sampel **tanah** dijalankan dengan berpandukan piawaian British BS 1377. Terangkan dengan jelas bagaimanakah **anda** menjalankan kajian makmal **bagi** menentukan had plastik dan had cecair **tanah**.
- b) Hasil ujian makmal keatas sampel **tanah** diperolehi data seperti berikut:

Bilangan hentaman	6	8	12	26	28	31
Kandungan lembapan (%)	53.4	52.2	48.3	40.0	38.8	37.1

- Tentukan had cecair **tanah tersebut**
  - Tentukan **juga** indeks keplastikan **tanah** jika had plastiknya ialah 18 %.
- c) Terangkan secara lengkap bagaimanakah **anda** menentukan kandungan lembapan **tanah** di makmal.

(20MARKAH)

4. a) Tanah yang ditambak perlu dipadat secukupnya bagi menghasilkan struktur tanah yang stabil dan mampu memikul bebanan struktur di atasnya. Huraikan bagaimanakah anda mengawal proses pemadatan ditapak. Terangkan secara ringkas kaedah ujian pemadatan yang dijalankan di tapak dan juga di makmal.
- b) Keupayaan galas tanah merupakan ciri terpenting dalam mengukur kemampuan tanah memikul bebanan dari struktur asas. Salah satu kaedah yang cukup popular hingga sekarang ini ialah kaedah dugadalam mackintosh. Bincangkan kaedah ini dan sertakan contoh pengiraan kekuatan galas tanah, jika perlu.

(20MARKAH)

5. a) Dalam kajian tapak, ujian penelusan piawai (SPT) digunakan untuk mengukur kekuatan tanah, khususnya bagi asas cerucuk. Bincangkan kaedah ujian SPT ini dan terangkan bagaimanakah nilai SPT yang diwakili oleh parameter 'N' ini digunakan dalam menentukan keupayaan galas tanah.
- b) Kajian seismik merupakan salah satu kaedah geofizik yang begitu popular dan digunakan untuk menentukan strata tanah dibawah permukaan bumi. Dengan berpandukan lakaran dan rajah tertentu, huraikan bagaimanakah kaedah seismik ini digunakan dalam penyelidikan tapak.

( 20 MARKAH )

- 000000000 -